



UNIVERSITÄTS-
BIBLIOTHEK
PADERBORN

Universitätsbibliothek Paderborn


Adolescens Academicvs Svb Institvtione Salomonis

Musart, Charles

Dvaci, 1633

Prooemium primum, ad Lectorem, de libri argumento, ac methodo.

[urn:nbn:de:hbz:466:1-49007](https://nbn-resolving.org/urn:nbn:de:hbz:466:1-49007)



AD BENEVOLVM LECTOREM,

ADOLESCENTEM ACADEMICVM.

\ De Libri Argumento ac Methodo.

PROOEMIUM.



*Q*UOD in Academiam ap-
puleris, Adolescens, ex
animo gratulor: nolim
tamen existimes por-
tum te esse ingressum: tempestuosum
intras mare, in quo periclitantur
plerique omnes, naufragantur plu-
rimi: hinc deprehenduntur infidæ
stationes, sociorum improborum sco-
puli, Syrenum lethiferi cantus, tru-
ces irarum Scyllæ, Gulae & luxus
vastæ Charybdes, reliquaque tur-
bulenti pelagi monstra: rapitur hæc
inter

inter pericula cæco temeritatis impetu fragilis Adolescentiæ tuæ linter, idemq; rimarum plenus, cui ad clauum sedet, malus sanè gubernator, rerum rudis animus: miseret me tam miserae tuæ sortis, ardeoque opis adferendæ desiderio; atque eam ob rem Salomonem mortalium sapientissimum tibi accersere minimè repugnantem: ut pro diuinâ, quâ pollet, arte, & pro veteri suo in Adolescentiam studio, clauum ipse teneat, regatque fluctuantem nauiculam, id est (placet enim è mari redire in Academiam) ut mentem in utrumuis flecti ceream optimis præceptionibus suo in gymnasio efformet, atque effingat. Certè claruisse olim in arce Sionæa Salomonicum Gymnasium, in quo prostantibus ad septem columnas exheris

é . dris

PROOEMIUM PRIMVM

Prou. 9.

*dris artes totidem liberales trade-
rentur; ipsumque Salomonem pro-
fessorem verè regium in throno se-
dentem aureo, deque scientia-
rum omnium arcanis rebus diuinè
differentem audire liceret, credet
facile, qui in illius Prouerbijs Sa-
pientiæ domum septem columnis
excisis exædificatam, & ibidem ap-
positas siue initiandis discipulis, siue
ad eruditam cœnationem mensas
legerit: quales tum Alexandria,
tum Athenis Mineruæ quondam
sacras extitisse boni scriptores me-
morant: ita igitur ex sapientissimi
hominis ore rectam, benè, sapien-
tèrque in Academia viuendi ratio-
nem audire, & haurire beneficio
meo poteris. Habebis, vt opinor, mi-
hi nonnullam gratiam, quòd tam
eximium, morum, studiorumq; Præ-
cepto-*

AD LECTOREM.

ceptorem tibi compararim: tum vero pares ad Magistri dignitatem a-
rimos, in scholam adferre adnitē-
ris.

Produnt sacrae literae de cunctis 3. Reg. 10.
populis, & ab uniuersis terrarum
partibus regios legatos, virosque
principes, atque adeo Sabaorum
Reginam, ad Salomonem audien-
dum maximo studio confluxisse; illi
tibi scilicet suo exemplo ad conci-
piendum similem ardorē faces subij-
cient: sed omnium vehementissimè
ipse Salomon ad se audiendum pro-
positis amplissimis premijs quemuis
impellet. Audi fili mi disciplinā Prouer. 1.
Patris tui, vt addatur gratia ca-
piti tuo, & torques collo tuo.

Fili mi ne obliuiscaris legis Prouer. 3.
meae, & praecepta mea cor
tuum custodiat: longitudinem
ē 2 enim

PROOEMIUM PRIMVM.

enim dierum, & annos vite, & pacem apponent tibi: misericordia & veritas te non deserant: circumda eas gutturi tuo, & describe in tabulis cordis tui, & inuenies gratiam & disciplinā bonā corā Deo & hominibus. *Bene habet: video te, Adolescens Academice, simulātque Salomon meus audiri cœpit, ardentissimè ad sapientie studium inflammari. Quare Proœmium finiam, si priùs quid sapientie nomine intelligam, & de totius huius scriptio- nis methodo pauca monuero. Cùm sapientiam hic audies, nolim animo tibi effingas, ieiunam aliquam & insipidam veritatis cognitionem, quam à virtutis cogitatione disjunctunt quidam; sed cuiusmodi olim ex Stoicis Philosophi definiebant,*

Veri

AD LECTOREM.

veri inquisitionem cum religione
 cæterarumque virtutum amore, &
 curâ consentientem: Studium, in-
 quam, excolendi corrigendique ani-
 mi. Nam eum, qui mentem exqui-
 sitissimis disciplinis imbuerit, mores
 autem retineat improbos, doctum
 fortassis dici permittam; at negabo
 sapientem, aut virum bonum, &
 qualem te in Salomonis gymnasio
 efformari velim.

Iam quod ad institutionē harum
 Salomoniarum ordinem, rationem-
 que attinet: primū singulis capi-
 tibus symbolum rei accommodatum,
 cum apposito schemate proferam:
 scio enim etatem tuam studiosam
 esse earum rerum, quæ simul oculos,
 simul animum oblectent; eaque ra-
 tione emblematum, librorūmq; fæ-
 dæ obscenitati pura castaque oppo-

PROOEMIUM PRIMVM.

nam. Subijciam deinde propositi
 symboli redditionem: partim ne-
 cubi fortassis hereas: partim ut
 comprehensâ totius reliquæ institu-
 tionis summâ, comparatior ad dis-
 cendum accedas: tum verò saluber-
 rimum aliquod monitum ex sen-
 tentiarum Salomonicarû sensu pro-
 fabor, velut ex veri numinis ora-
 culo, dignioremque templo Apolli-
 nis Delphici parœmiam; sequetur
 mox Salomon præceptiones suis ver-
 bis præscribens: & tandem inter-
 pretatio, tum verborum, tum præ-
 sertim mentis Salomonice: atque
 hic ego ex sacris prophanisque scri-
 ptoribus, ea rationum & exemplo-
 rum momenta conferam, quæ ad
 captum tuum, scopumque meum
 oportuniora videbuntur: finiam
 pia ad Deum prece: ero succinctus:

ut

AD LECTOREM.

ut minoris emas, & citius euoluas;
 ea ferè, quæ reconditiorem seuerio-
 remque doctrinam sapiunt, præter-
 mittam: neque Oratorem agam, sed
 Pedagogum. Ex libris Platonis
 pridem acceperam Adolescentem, si
 benè instituatur, Deum quendam,
 ut ille dicebat, inter homines eua-
 dere, si negligatur, belluam fieri,
 eamque fore Rempub. qualis Ado-
 lescentum ætas in herbefcente vi-
 riditate fruges promitteret. Ex usu
 prætere adidicerã temerariã esse eam
 etatem duce, consilioque, maximè tũ
 egere, cũ iam Parentes & Aui lon-
 gius abfuerint: memineram denique
 ex illo vnus tẽporis contextu pen-
 dere totius vitæ reliquam telam:
 easq; ob causas Adolescentiam mihi
 sumpsi honestis moribus informan-
 dam: Videbar autem numine pro-

PROOEMIUM PRIMVM AD LECT.
pitio eam artem profiteri me posse:
quòd annis ferè duodecim in cele-
berrimis Academijs versatus partim
Sodalitia Parthenica, partim scho-
las Philosophicas, aut regendo aut
docendo in Adolescentiæ mores, mor-
bosq; ita intenderim, vt & nosse &
curationem aliquam adhibere posse
viderer. Hæc me rationes impulere;
vt ad hanc scriptionem animum
applicarem. Atque ista te, bone
Adolescens, ne quæ scire te oportebat,
ignores, præmonitum volebam
Proœmij loco. Nunc ad rem aggre-
dior: si te priùs iterum iterumque
rogauero, opellam vti meam pro-
bes.

AD